

02 OCT 2001

CEO-PERSIDANGAN

300 PESERTA DIJANGKA HADIRI PERSIDANGAN CEO

KUALA LUMPUR, 2 Okt (Bernama) -- Persidangan "CEO Action for Knowledgeable and Sustainable Industry Summit 2001" (CEO AKSI Summit 2001) yang akan berlangsung Khamis ini akan dihadiri oleh kira-kira 300 peserta.

Persidangan yang akan diadakan di Pusat Dagangan Dunia Putra (PWTC) ini akan dirasmikan oleh Perdana Menteri Datuk Seri Dr Mahathir Mohamad yang akan turut mengambil bahagian dalam sesi dialog dengan para peserta.

Menurut Menteri Perdagangan Antarabangsa dan Industri Datuk Seri Rafidah Aziz hari ini, persidangan itu memberi peluang kepada ketua eksekutif tempatan menyampaikan saranan dan cadangan bagi menggalakkan penggunaan secara meluas teknologi maklumat dan komunikasi (ICT) dalam perniagaan.

Objektif utama persidangan ini ialah untuk membincangkan usaha meningkatkan penggunaan ICT oleh perusahaan kecil dan sederhana (PKS) dan bertukar pandangan dan berkongsi pengalaman terhadap penggunaan ICT ini dalam proses perniagaan. -- BERNAMA

MKO/CL SEL AA